

四庫全書

子部

欽定四庫全書

冊府元龜卷二百四十七 宋 王欽若等撰

列國君部

盟會第二

襄公二十年春及莒平孟莊子會莒人盟于向督揚之

盟故也

莒數伐魯前年諸侯盟督揚以和解之故二國自復共盟結其好

六月公會晉侯齊侯宋公衛侯鄭伯曹伯莒子邾子滕

子薛伯杞伯小邾子盟于澶淵

澶淵在頓丘縣南今名繁汙此衛地又近戚田

齊成故也

齊與晉平

二十一年十月公會晉侯齊侯宋公衛侯鄭伯曹伯莒

子邾子于商任

商任地名

錮樂氏也

禁錮樂盈使諸侯不得受

二十二年冬公會晉侯齊侯宋公衛侯鄭伯曹伯莒子

邾子薛伯杞伯小邾子于沙隨復錮樂氏也

晉知樂盈在齊故復

錮也

二十四年八月公會晉侯宋公衛侯鄭伯曹伯莒子邾

子滕子薛伯杞伯小邾子于夷儀將以伐齊水不克

晉合

諸侯以報
前年見伐

二十五年五月公會晉侯宋公衛侯鄭伯曹伯莒子邾

子滕子薛伯杞伯小邾子于夷儀伐齊以報朝歌之役

朝歌役在二十三年秦晉為成晉韓起如秦涖盟秦伯車如晉涖

盟伯車秦伯之弟鍼也成而不結不結固也

八月諸侯同盟于重丘夷儀之諸侯也重丘齊地齊成故也伐齊而稱同盟

以明齊亦同盟

二十六年夏公會晉人鄭良霄宋人曹人于澶淵卿會公侯

皆應貶方責宋向戌後期故書良霄以駭
之若皆稱人則嫌向戌直以會公貶之
以討衛疆戚

田正戚之取衛西鄙懿氏六十以與孫氏
戚城西北五十里有懿城

因姓以名城
取田六十井 趙氏不書尊公也
罪武會公侯 向戌不書後也

後會 鄭先宋不失所也
如期 於是衛侯會之
晉將執之不得與會

故不書

二十七年夏叔孫豹會晉趙武楚屈建蔡公孫歸生衛

石惡陳孔奐鄭良霄許人曹人于宋
按傳會者十四國齊秦不交相見鄆

滕為私屬皆不與盟宋為主人地于宋則與盟可知經
唯序九國大夫楚先晉歆而書先晉責信也陳與晉會

常在衛上孔奐非上卿故在石惡下

宋向戌善於趙文子又善於令尹子

木欲弭諸侯之兵以為名

欲獲息民之名

如晉告趙孟趙孟謀於

諸大夫韓宣子曰兵民之殘也財用之蠹

蠹害物之蟲

小國

之大蓄也將或弭之雖曰不可必將許之

言雖知兵不得久弭今不

可不許

弗許楚將許之以召諸侯則我失為盟主矣晉人

許之如楚楚亦許之如齊齊人難之陳文子曰晉楚許

之我焉得已且人曰弭兵而我弗許則固攜吾民矣將

焉用之齊人許之告於秦秦亦許之皆告於小國為會

於宋五月甲辰晉趙武至於宋丙午鄭良霄至六月丁

未朔宋人享趙文子叔向為介司馬置折俎禮也

折俎體解

節折升之於俎合卿享宴之禮故曰禮也周禮司馬掌會同之事

仲尼使舉是禮也以

為多文辭

宋向戌自美弭兵之意敬逆趙武趙武叔向因享宴之會展賓主之辭故仲尼以為多文

辭

戊申叔孫豹齊慶封陳湏無衛石惡至

湏無陳文子

甲寅

晉荀盈從趙武至

趙武命盈追已故言從趙武後武遣盈如楚

丙辰邾悼公

至

小國故君自來

壬戌楚公子黑肱先至成言於晉

時令尹子木止陳遣

黑肱就晉大夫成盟載之言兩相然可

丁卯宋向戌如陳從子木成言於

楚

就於陳成
楚之要言

戊戌滕成公至

亦小國
君自來

子木謂向戌請晉

楚之從交相見也

使諸侯從晉楚
者更相朝見

庚午向戌復於趙孟

趙孟曰晉楚齊秦匹也晉之不能於齊猶楚之不能於

秦也

不能服
而使之

楚君若能使秦君辱於敝邑寡君敢不固

請於齊

請齊使
朝楚

壬申左師復言於子木子木使驛謁諸

王

驛傳也
謁告也

王曰釋齊秦他國請相見也

經所以不
書齊秦

秋七

月戊寅左師至

從使
還

是夜也趙孟及子皙盟以齊言

子
皙

公子黑肱素要齊其辭
至盟時不得復訟爭

庚辰子木至自陳陳孔奐蔡公

孫歸生至

二國大夫與子木俱至

曹許之大夫皆至以藩為軍

示不

相忌

晉楚各處其偏

晉處北楚處南

伯夙謂趙孟

伯夙荀盈

曰楚氛甚

惡懼難

氛氣也言楚有襲晉之氣

趙孟曰吾左還入於宋若我何

營在

宋北東頭為上故晉營在東有急可左回入宋東門

辛巳將盟於宋西門之外楚

人衷甲

甲在衣中欲因會擊晉

伯州犂曰合諸侯之師以為不信

無乃不可乎夫諸侯望信於楚是以來服若不信是棄

其所以服諸侯也固請釋甲子木曰晉楚無信久矣事

利而已苟得志焉焉用有信太宰退

太宰伯州犂

告人曰令

尹將死矣不及三年求逞志而棄信志將逞乎志以發

言言以出信信以立志參以定之

志言信三者具而後身安

信亡何

以及三

為明年子木死起本

趙孟患楚衷甲以告叔向叔向日何

害也匹夫一為不信猶不可單斃其死

單盡也斃踏也

若合諸

侯之卿以為不信必不捷矣食言者不病

不病者單斃於死

非

子之患也

楚食言當死晉不食言故無患

夫以信召人而以僭濟之

濟成

也必莫之與也安能害我且吾因宋以守病

為楚所病則欲入宋

城則夫能致死與宋致死雖倍楚可也

宋為地主致死助我則力可倍

楚子何懼焉又不及是曰弭兵以召諸侯而稱兵以害

我

稱舉也

吾庸多矣非所患也

晉獨取信故其功多

季武子使謂叔

孫以公命曰視邾滕

兩事晉楚則貢賦重故欲比小國武子恐叔孫不從其言故假公命

以敦之

既而齊人請邾宋人請滕皆不與盟

私屬二國故

叔孫

曰邾滕人私也我列國也何故視之宋衛吾匹也乃盟

故不書其族言違命也

季孫專政於國魯君非得有命今君惟以此命告邾豹豹宜崇大

順以顯弱命之君而遂其小是故貶之

晉楚爭先

爭先歃血

晉人曰晉固為諸

侯盟主未有先晉者也楚人曰子言晉楚匹也若晉常

先是楚弱也且晉楚狎主諸侯之盟也久矣狎更也豈專

在晉叔向謂趙孟曰諸侯歸晉之德只只非歸其尸盟

也尸主子務德無爭先且諸侯盟小國固必有尸盟者小國

具主辨楚為晉細不亦可乎欲推使楚主盟乃先楚人書先晉晉

有信也蓋孔子追正之乙酉宋公及諸侯之大夫盟于蒙門之

外前盟諸大夫不敢敵公禮也今宋公以近在子木問其國故謙而重盟故不書蒙門宋城門也

於趙孟曰范武子之德何如士會賢聞於諸侯故問之對曰夫子之

家事治言於晉國無隱情其祝史陳信於鬼神無愧辭

祝陳馨香德足副之故不愧

子木歸以語王王曰尚矣哉

尚上也

能敵

神人

敵享也使神享其祭人懷其德

宜其光輔五君以為盟主也

五君謂文

裏靈成景

子木又語王曰宜晉之伯也有叔向以佐其卿楚

無以當之不可與爭晉荀盈遂如楚蒞盟

七月辛巳叔孫豹及諸侯之大夫盟于宋

夏會之大夫也豹不倚順

以顯弱命之君而辨小是以自從故以違命而貶之釋例論之甚備矣

九月楚遂罷如晉

蒞盟

罷令尹子蕩報荀盈

二十八年夏齊侯陳侯蔡侯北燕伯杞伯胡子沈子白

狄朝于晉宋之盟故也

陳侯蔡侯胡子沈子楚屬也宋盟曰晉楚之從交相見故朝晉

燕國今薊縣

齊侯將行慶封曰我不與盟何為於晉

以宋盟釋齊秦

陳文子曰先事後賄禮也

事大國當先從具政事而後薦賄以副已心

小事

大未獲事焉從之如志禮也

言當從大國請事以順其志

雖不與盟

敢叛晉乎重丘之盟未可忘也子其勸行

重丘盟在二十五年九

月鄭游吉如晉告將朝于楚以從宋之盟

二十九年五月仲孫羯會晉荀盈齊高止宋華定衛世

叔儀鄭公孫段曹人莒人滕人薛人小邾人城杞

公孫段伯

石也三十年伯有死乃命為卿今蓋攝行卿事

杞子來盟

文公也杞復稱子用夷禮也魯歸其田故

來盟

三十年十月晉人齊人宋人衛人鄭人曹人莒人邾人

滕人薛人杞人小邾人會于澶淵宋災故也

會未有言其事者此

言宋災故以惡宋人不克已自責而出會求財

諸侯之大夫會以謀歸宋財

昭公元年正月叔孫豹會晉趙武楚公子圍齊國弱宋

向戌衛齊惡陳公子招蔡公孫歸生鄭罕虎許人曹人

于虢

招實陳侯母弟不稱弟者義與莊二十五年公子友同今讀舊書則楚當先晉而先書趙武者亦取

宋盟貴武之信故尚之也
衛在陳蔡上先至於會

尋宋之盟也

宋盟在襄二十七年

初午

謂趙文子曰宋之盟楚人得志於晉

得志謂先敵午祁奚子

今令

尹之不信諸侯之所聞也子弗戒懼又如宋

恐楚復得志

子

木之信稱於諸侯猶詐晉而駕焉

駕猶陵也詐謂襄甲

况不信之

尤者乎

尤甚也

楚重得志於晉晉之耻也子相晉國以為

盟主於今七年矣

襄二十五年始為政以春言故云七年

再合諸侯

襄二十五年

年會夷儀二十六年會澶淵

三合大夫

襄二十七年會于宋三十年會澶淵及今會號也

服

齊狄寧東夏

襄二十八年齊侯白狄朝晉

平秦亂

襄二十六年秦晉為成

城淳

于

襄二十九年城杞之淳于杞遷都

師徒不頓國家不罷民無謗讟

誹

也

諸侯無怨天無大災子之力也有令名矣而終之以

耻午也是懼吾子其不可以不戒文子曰武受賜矣

午受

言

然宋之盟子木有禍人之心武有仁人之心是楚所

以駕於晉也今武猶是心也楚又行僭

僭不

非所害也

武將信以為本循而行之譬如農夫是穠是藁

穠耘也藁壅苗為

穠

雖有饑饉必有豐年

言耕鋤不以水旱息必獲豐年之收

且吾聞之能

信不為人下吾未能也

自恐未能信也

詩曰不僭不賊鮮不為

則信也

詩大雅僭不能信賊害人也

能為人則者不為人下矣吾不能

是難楚不為患楚令尹圍請用牲讀舊書加于牲上而

已

舊書宋之盟楚恐晉先歆故從舊書加于牲上不歆血經所以不書盟

晉人許之三月

甲辰盟

四年六月楚子蔡侯陳侯鄭伯許男徐子滕子頓子胡

子沈子小邾子宋世子佐淮夷會于申

楚靈王始合諸侯

椒舉

言於楚子曰臣聞諸侯無歸禮以為歸今君始得諸侯

其慎禮矣霸之濟否在此會也夏啓有釣臺之享

啓禹子也

河南陽翟縣南有鈞臺
陂蓋啓享諸侯於此

商湯有景亳之命

河南鞏縣西南有湯亭或

言亳即偃師

周武有孟津之誓

將伐紂也

成有岐陽之蒐

周成王歸自奄

大蒐於岐山之陽岐山在扶風美陽縣西北

康有鄆宮之朝

鄆在始平鄆縣東有靈臺康王

於是朝諸侯

穆有塗山之會

周穆王會諸侯于塗山塗山在壽春東北

齊桓有召

陵之師

在僖四年

晉文有踐土之盟

在僖二十八年

君其何用宋向

戍鄭公孫僑在諸侯之良也君其選焉

選擇所用

王曰吾用

齊桓

用會召禮之

王使問禮於左師與子產左師曰小國習

之大國用之敢不薦聞

言聽聞謙示所未行

獻公合諸侯之禮六

其禮六儀也宋國
爵公故獻公禮

子產曰小國共職敢不薦守獻伯子

男會公之禮六

鄭爵伯故獻伯子男會公
之禮其禮同所從言之異

君子謂合左

師善守先代子產善相小國王使椒舉侍於後以規過

規正二
子之過

卒事不規王問其故對曰禮吾所未見者有六

焉又何以規

左師子產所獻六
禮楚皆未嘗行

宋太子佐後至王田於

武城久而弗見椒舉請辭焉

請王辭
謝之

王使往曰屬有宗

祧之事於武城

言為宗
廟田獵

寡君將墮幣焉敢謝後見

恨其
後至

故曰將因諸侯會布幣乃相見經
并書宋太子佐知此言在會前

徐子吳出也以為貳

焉故執諸申

言楚子以疑罪執諸侯

楚子示諸侯侈

自奢侈

椒舉曰

夫六王二公之事

六王啓湯武成康穆也二公齊桓晉文

皆所以示諸侯

禮也諸侯所繇用命也夏桀為仍之會有緡叛之

仍緡皆國

名

商紂為黎之蒐東夷叛之

黎東夷國名

周幽為大室之盟

戎狄叛之

大室中嶽

皆所以示諸侯汰也諸侯所繇棄命也

今君以汰無乃不濟乎王弗聽子產見左師曰吾不患

楚矣汰而愎諫

愎狠也

不過十年左師曰然不十年侈其

惡不遠遠惡而後棄

惡及遠則人棄

善亦如之德遠而後興

十為

三年楚執

其君傳

六年十二月齊侯伐北燕七年正月癸巳燕人行成曰

敝邑知罪敢不聽命先君之敝器請以謝罪

敝器瑤璆玉櫜之屬

公孫皙曰受服而退俟釁而動可也

皙齊大夫

二月戊午盟

于濡上

濡水出高陽縣東北至河間鄭縣入易水

燕人歸燕姬

嫁女與齊侯

賂以

瑤璆玉櫜等耳不克而還

瑤玉也櫜匱也琴耳玉爵也

三月公如楚叔孫婁如齊涖盟

公將遠適楚故叔孫如齊尋舊好

九年春叔弓宋華亥鄭游吉衛趙厲會楚子于陳

楚子

在陳故四國大夫往非盟主
所召不行會禮故不摠書

十一年五月仲孫纘會邾子盟于侵祥

侵祥地名

修好禮也

秋季孫意如會晉韓起齊國弱宋華亥衛北宮佗鄭罕

虎曹人杞人于厥慙

厥慙地名

謀救蔡也

十有三年秋公會劉子晉侯齊侯宋公衛侯鄭伯曹伯

莒子邾子滕子薛伯杞伯小邾子于平丘

平丘在陳留長垣縣西南

晉治兵於邾南甲車四千乘

三十萬人

羊舌鮒攝司馬

鮒叔向弟

也攝兼官

遂合諸侯于平丘晉人將尋盟齊人不可

有心故

晉

侯使叔向告劉獻公

獻公王卿士劉子

曰抑齊人不盟若之何

對曰盟以底信

底致也

君苟有信諸侯不貳何患焉告之

以文辭董之以武師雖齊不許君庸多矣

董督也庸功也討之有辭

故功多也

天子之老請帥王賦元戎十乘以先啓行

天子大夫稱老

元戎車在前者啓開也行道也

遲速唯君

欲佐晉討齊

叔向告于齊曰諸侯

求盟已在此矣今君弗利寡君以為請對曰諸侯討貳

則有尋盟若皆用命何盟之尋

託用命以拒晉

叔向曰國家之

敗有事而無業事則不經

業貢賦之業

有業而無禮經則不

序

有次序

有禮而無威序則不共

禮須威嚴而後共

有威而不

昭共則不明

威須昭告神明而後信義著

不明棄其百事不終所繇

傾覆也

信義不明則棄威不威棄禮無禮無經無經無業故百事不成

是故明王之制

使諸侯歲聘以志業

志識也歲聘以脩其職業

間朝以講禮

三年而一朝正

班爵之義率長幼之序

再朝而會以示威

六年而一會以訓上下之則制財用之節

再

會而盟以顯昭明

十二年而一盟所以昭信義也凡八聘四朝再會王一巡狩盟于方嶽之

下志業於好

聘也

講禮於等

朝也

示威於衆

會也

昭明于神

盟也

自古以來未之或失也存亡之道恒繇是興晉禮主盟

依先王先公舊禮主諸侯盟

懼有不治奉承齊儀

齊盟之儀牲

而布諸君

求終事也

終竟也

君曰余必廢之何齊之有唯君圖之寡

君聞命矣齊人懼對曰小國言之大國制之敢不聽從

既聞命矣敬共以往遲速唯君叔向曰諸侯有間矣

間隙

也不可以不示衆八月辛未治兵

習戰

建而不旆

建立旌旗不曳

其旆旆

壬申復旆之諸侯畏之

軍將戰則旆故曳旆以恐之

邾人莒

人愬于晉曰魯朝夕伐我幾亡矣

自昭公即位邾魯同好又不朝夕伐莒無

故怨愬晉人信之所謂讒慝弘多也

我之不共魯故之以

不共晉貢以魯故也

晉侯

不見公使叔向來辭曰諸侯將以甲戌盟寡君知不得

事君矣請君無勤

託謙辭以絕魯

子服惠伯對曰君信蠻夷之

訐

蠻夷謂邾莒

以絕兄弟之國棄周公之後亦唯君寡君聞

命矣叔向曰寡君有甲車四千乘在雖以無道行之必

可畏也况其率道其何敵之有牛雖瘠債於豚上其畏

不死

債借也

南蒯子仲之憂其庸可棄乎

棄猶志也

若奉晉之

衆用諸侯之師因莒邾杞鄆之怒

四國近魯數以小事相忿鄆已滅其民猶

存故并以恐魯

以討魯罪間其二憂

因南蒯子仲之憂為間隙

何求而弗克

魯人懼聽命

不敢與盟

甲戌同盟于平丘齊服也令諸侯日

中造于除

除地為壇盟會處

癸酉退朝

先盟朝晉

子產命外僕速張

於除

張帷幕

子大叔止之使待明日及夕子產聞其未張

也使速往乃無所張矣

地已滿也言子產每事敏於太叔

及盟子產爭

承

承貢賦之次

曰昔天子班貢輕重以列

列位也

列尊貢重周

之制也

公侯地廣故所貢者多

卑而貢重者甸服也

甸服謂天子畿內共職貢

者鄭伯男也而使從公侯之貢

言鄭國在甸服外爵列伯子男不應出公侯之

貢懼弗給也敢以為請諸侯靖兵以好為事

靖息也

行理

之命

行理使人通聘問者

無月不至貢之無藝

藝法制

小國有關所

以得罪也諸侯脩盟存小國也貢獻無極亡可待也存

亡之制將在今矣自日中以爭至于昏晉人許之既盟

子大叔咎之曰諸侯若討其可瀆乎

瀆易也

子產曰晉政

多門

政不出一家

貳偷之不暇何暇討

貳不一偷苟且

國不競亦陵

何國之為

不競爭則為人所侵陵不成為國

公不與盟

信邾莒之訴欲討魯故

十六年正月齊侯伐徐二月丙申齊師至于蒲隧

蒲隧徐地

下邳取慮縣東有蒲如陂

徐人行成徐子及邾人莒人會齊侯盟于

蒲隧

十九年五月邾人郕人徐人會宋公乙亥同盟于蟲

終宋

公伐邾事

二十二年齊侯伐莒莒子行成司馬寗如莒蒞盟

寗齊大夫

莒子如齊蒞盟于稷門之外

稷門齊城門也

莒於是乎大惡

其君

二十五年春叔孫婁如宋夏叔詣會晉趙鞅宋樂大心

衛北宮喜鄭游吉曹人邾人滕人薛人小邾人于黃父

謀王室也

王室有子朝亂謀定之

二十六年三月公至自齊處于鄆秋公會齊侯莒子邾

子杞伯盟于鄆陵

鄆陵地名

謀納公也

齊侯謀

二十七年春公如齊

自鄆行

公至自齊居于鄆秋晉士鞅

宋樂祁犁衛北宮喜曹人邾人滕人會于扈令戍周且

謀納公也宋衛皆利納公固請之范獻子取貨於季孫

謂司城子梁與北宮貞子

子梁宋樂祁也貞子衛北宮喜

曰季孫未知

其罪而君伐之請囚請亡於是乎不獲君又弗克而自

出也夫豈無備而能出君乎季氏之復天救之也

復猶安也

休公徒之怒也

休息也

而啓叔孫氏之心不然豈其伐人而

說甲執冰以游叔孫氏懼禍之濫而自同於季氏天之

道也魯君守齊三年而無成季氏甚得其民淮夷與之

淮夷魯東夷

有十年之備有齊楚之援

公雖在齊言齊不致力

有天之

贊有民之助有堅守之心有列國之權而弗敢宣也

宣用

也事君如在國

書公行告公至是也

故鞅以為難二子皆圖國者

也而欲納魯君鞅之願也請從二子以圍魯無成死之

二子懼皆辭乃辭小國而以難復

以難納
白晉君

三十二年冬仲孫何忌會晉韓不信齊高張宋仲幾衛

世叔申鄭國參曹人莒人薛人杞人小邾人

世叔申世
叔儀孫也

國參子
產之子

尋盟

尋平
丘盟

城成周也

定公三年冬仲孫何忌及邾子盟于拔

拔地
名

脩邾好也

公即位
故修好

四年三月公會劉子晉侯宋公蔡侯衛侯陳子鄭伯許

男曹伯莒子邾子頓子胡子滕子薛伯杞伯小邾子齊

國夏于召陵侵楚

於召陵先行會禮入楚境故書侵

五月公及諸侯盟

于臯鼫

召陵會劉子諸侯摠言之也繁昌縣東南有城臯亭復稱公者會盟異處故也

七年四月秋齊侯鄭伯盟于鹹

衛地

徵會于衛

徵召也

衛侯

欲叛晉

屬齊鄭也

諸大夫不可使北宮結如齊而私於齊侯

曰執結以侵我

欲以齊師懼諸大夫

齊侯從之乃盟于沙

叛晉也陽平元

城縣東南

有沙亭

八年夏齊國夏帥師伐我西鄙公會晉師于瓦

瓦衛地將來救

魯公逆會之東郡燕縣東北有瓦亭

范獻子執羔趙簡子中行文子皆執

鴈魯於是始尚羔

獻子士鞅也簡子趙鞅也中行文子荀寅也禮卿執羔大夫執鴈魯則同

之今始知執羔之尊也卿不書禮不敵公史畧之

晉師將盟衛侯于鄆澤

自凡還就

衛地

趙簡子曰群臣誰敢盟衛君者

前年衛叛晉屬齊簡子意欲推辱之

涉佗成何曰我能盟之

二子晉大夫

衛人請執牛耳

盟禮尊者淮牛

耳主次盟者衛侯與晉大夫盟自以當淮牛耳故請之

成何曰衛吾溫原也焉得

視諸侯

言衛小可比晉縣不得從諸侯禮

將軟涉佗拔衛侯之手及挽

拔擠也

衛侯怒王孫賈趨進

賈衛大夫

曰盟以信禮也

信猶明也

有如衛君其敢不唯禮是事而受此盟也

言晉無禮不欲受其盟

冬衛侯鄭伯盟于曲濮

結叛晉曲濮衛地

九年春宋公使樂大心盟于晉且逆樂祁之尸辭偽有

疾乃使向巢如晉盟且逆子梁之尸

巢向戌曾孫

十年春及齊平夏公會齊侯于祝其實夾谷

夾谷即祝其也

丘相相會儀也犁彌言於齊侯曰孔丘知禮而無勇若使萊

人以兵劫魯侯必得志焉

萊人齊所滅萊夷也

齊侯從之孔丘以

公退曰士兵之

以兵擊萊人

兩君合好而裔夷之俘以兵亂

之裔遠也非齊君所以命諸侯也裔不謀夏夷不亂華俘

不干盟兵不偏好於神為不祥

盟將告神犯之為不善

於德為愆

義於人為失禮君必不然齊侯聞之遽辟之

辟去萊兵

將盟

齊人加於載書曰齊師出境而不以甲車三百乘從我

者有如此盟

如此盟詛之禍

孔丘使茲無還揖對

無還魯大夫

曰而

不反我汶陽之田吾以共命者亦如之

須齊歸汶陽田乃當共齊命於

是孔子以公退賤者終其事要盟不潔故略不書

齊侯將享公孔丘謂梁丘據

曰齊魯之故吾子何不聞焉

典故舊典

事既成矣

會事成

而又

享之是勤執事也且犧象不出門嘉樂不野合

犧象酒器犧尊

象尊也嘉樂鐘磬也嘉饗而既具是棄禮也若其不具用秕稗也穀

不成者稗草之似穀者言用秕稗君辱棄禮名惡子盍

圖之夫享所以昭德也不昭不如其已也乃不果享孔子

知齊侯懷詐故以禮治之

冬齊侯衛侯鄭游速會于安甫安甫地名

十一年冬及鄭平六年侵鄭之怨始叛晉也魯自僖公以來世服於晉至今而叛

故曰叔還如鄭涖盟還叔詣曾孫

十二年冬十月癸亥公會齊侯盟于黃結叛晉

十四年五月公會齊侯衛侯于牽

魏郡黎陽縣東北有牽城

謀救范

中行氏

齊魯叛晉故助范中行也

秋齊侯宋公會于洮

洮曹地

范氏故也

謀救范氏

哀公元年八月齊侯衛侯會于乾侯救范氏

二年春伐邾將伐絞

絞邾邑

邾人愛其土故賂以漵沂之

田而受盟癸巳叔孫州仇仲孫何忌及邾子盟于句繹

句繹邾地取邑盟以要之

六年春叔還會吳于祖

七年夏公會吳于鄆

鄆今郟
郟縣

八年秋及齊平九月臧賓如齊涖盟

賓如臧
會子

齊閭丘

明來涖盟

明閭丘
嬰之子

十二年夏公會吳于橐皋吳子使太宰嚭請尋盟

尋鄆
盟

公不欲使子貢對曰盟所以周信也

周固也

故心以制之

制其
義

玉帛以奉之

奉質
神明

言以結之

結其
信

明神以要之

以要

禍
福

寡君以為苟有盟焉弗可改也已若猶可改日盟何

益今吾子曰必尋盟若可尋也亦可寒也

尋重也
寒敬也

乃不

尋盟吳徵會于衛初衛人殺吳行人且姚而懼謀於行

人子羽

子羽衛大夫

子羽曰吳方無道無乃辱吾君不如止

也子木曰吳方無道

子木衛大夫

國無道必棄疾於人吳雖

無道猶足以患衛

為衛患也

往也長木之斃無不標也

探國

狗之瘞無不噬也

瘞狂也噬齧也

而况大國乎秋衛侯會吳于

鄭公及衛侯宋皇瑗盟

盟不書畏吳竊盟

而卒辭吳盟吳人藩

衛侯之舍

藩

子服景伯謂子貢曰夫諸侯之會事既畢

矣侯伯致禮地主歸餼

侯伯致禮以禮賓地主所會主人也餼生物

以相辭

也各以禮相辭讓今吳不行禮於衛而藩其君舍以難之難苦困也

子盍見大宰乃請束錦以行以賂語及衛故若本不為衛請者

大宰詘曰寡君願事衛君衛君之來也緩寡君懼故將

止之止子貢曰衛君之來必謀於其衆其衆或欲或否

是以緩來其欲來者子之黨也其欲不來者子之讐也

若執衛君是墮黨而崇讐也墮毀也夫墮子者得其志矣

且合諸侯而執衛君誰敢不懼墮黨崇讐而懼諸侯或

者難以霸乎大宰詘說乃舍衛侯

十三年夏公會單平公晉定公吳夫差于黃池七月辛

丑盟吳晉爭先

爭歃血先後

吳人曰於周室我為長

吳為大伯後故

為長

晉人曰於姬姓我為伯

為侯伯

趙鞅呼司馬寅

寅晉大夫曰

日旰矣

旰晚也

大事未成二臣之罪也

大事盟也二臣鞅與寅

建鼓

整列二臣死之長幼必可知也對曰請姑視之反曰肉

食者無墨

墨氣色下

今吳王有墨國勝乎

國為敵所勝

太子死乎

且夷德輕不忍久請少待之

少待無與爭

乃先晉人

盟不書諸侯恥

之故不錄

十七年十二月公會齊侯盟于蒙

齊侯簡公弟平公殺也蒙在東莞蒙陰縣

西故蒙陰城也

孟武伯相齊侯稽首公拜齊人恐武伯曰非天

子寡君無所稽首孟武伯問於高柴曰諸侯盟誰執牛

耳

執牛耳尸盟者

季羔曰鄆行之後吳公子姑曹

季羔高柴也鄆行在七年

發陽之役衛石魋

發陽鄭也在十二年石魋石蔓姑之子

武伯曰然則彘

也

彘武伯名鄆行則大國執發陽則小國也執時執者無常故武伯自以為可執

二十一年八月公及齊侯邾子盟于顧

二十七年春越子使后庸來聘且言邾田封于駘上

欲

魯還邾田封境至駘

二月盟于平陽

西平陽

三子皆從

季康子叔孫文子孟武伯

皆從后庸盟之

康子病之

耻從蠻夷盟

言及子贛

思子贛

曰若在此吾

不及此夫

不及與越盟

武伯曰然何不召曰固將召之文子

曰他日請念

言季孫不能用子贛臨難而思之

齊宣公四十九年與鄭會于西城

康公十六年與晉衛會濁澤

趙成侯十三年與韓昭侯遇上黨

十七年與魏惠王遇葛孽

司馬遷年表曰十八年趙孟如齊

十九年與齊宋會平陸與燕會阿

秦孝公七年與魏王會社平

二十年會諸侯逢澤朝天子

齊威王二十四年與魏王會田于郊

魏惠王五年與韓會宅陽城武都

十四年與趙會鄗

二十年歸趙邯鄲與盟漳水上

二十一年與秦會彤

二十七年丹封名會

丹魏大臣

齊宣王七年與魏王會平阿南

八年與魏王會於甄

魏襄王元年與諸侯會徐州以相王

秦惠文王九年與魏會應

十二年會龍門

初更二年與齊楚會齧桑

趙武靈王四年與韓會于區鼠

秦武王三年與韓襄王會臨晉

魏哀王六年秦求立公子政為太子與秦會臨晉

十一年與秦武王會應

十七年與秦會臨晉

二十年與齊王會於韓

楚懷王二十五年懷王入與秦昭王盟約於黃棘

韓襄王十年太子嬰與秦王會臨晉因至咸陽而歸

楚頃襄王十四年與秦昭王好會于宛結和親

魏昭王十二年與秦擊齊濟西與秦王會西周

韓釐王十四年與秦會兩周間

趙惠文王十四年與秦會中陽

十六年與秦王會穰

二十年王與秦昭王遇西河外

年表云與秦會澠池

先是秦王使

使者告趙王欲與王為好會遇於西河外澠池趙王畏

秦欲毋行廉頗藺相如計曰王不行示趙弱且怯趙王

遂行與秦王會澠池秦王飲酒酣曰寡人竊聞趙王好

音請奏瑟趙王鼓瑟秦御史前書曰某年月日秦王與

趙王會飲令趙王鼓瑟蘭相如前曰趙王竊聞秦王善

為秦聲請奉盆缶秦王以相娛樂

風俗通義曰缶者瓦器所以盛酒漿秦王

鼓之以節歌也

秦王怒不許於是相如前進缶因跪請秦王秦

王不肯擊缶相如曰五步之內相如請得以頸血濺大

王矣左右欲刃相如相如張目叱之左右皆靡於是秦

王不懌為一擊缶相如顧召趙御史書曰某年月日秦

王為趙王擊缶秦之羣臣曰請以趙十五城為秦王

壽蘭相如亦曰請以秦之咸陽為趙王壽秦王竟酒終不能加勝於趙趙亦盛設兵以待秦秦不敢動

趙悼襄王三年趙相魏相會魯柯盟

八年入秦置酒

齊王建二十八年入秦置酒

冊府元龜卷二百四十七

欽定四庫全書

冊府元龜卷二百四十八 宋 王欽若等 撰

列國君部

攻伐

書曰列爵惟五分土惟三所以錫壤開封建賢立德乃用其制以為藩屏暨夫衰世交相攻伐陳師鞠旅或勤王而討不庭遣將即戎或主霸而存危國斯則近於仁義之舉得乎節制之道矣及乎以彊暴弱以曲凌直生

民之肝腦塗地而靡顧親隣之盟誓在耳而遽絕衰世之弊一至於此故仲尼曰天下有道禮樂征伐自天子出天下無道禮樂征伐自諸侯出信哉斯言之可徵也

魯公伯禽宅曲阜

今兗州

徐夷竝興東郊不開

徐戎淮夷並起為寇

於魯故東郊不開

作費誓

魯侯征之於費地而誓衆也費魯東郊之地名

公曰嗟人無

譁聽命

伯禽為方伯監七百里內之諸侯帥之以征嘆而勅之無使喧嘩欲其靜聽誓命

徂茲

淮夷徐戎竝興

此

今征

善敎乃甲冑敵乃干無敢不弔

言當

善簡汝甲鎡冑鑿無敢不至令攻堅使可用

備乃弓矢鍛乃戈矛礪乃鋒刃

無敢不善

備調弓矢鍛鍊戈矛磨礪
鋒刃皆使無敢不工善

今惟淫舍牯牛馬

今軍人惟大放舍牯宰之
牛馬言軍所在必放牧之

杜乃獲斂乃穿無敢傷牯牯

之傷汝則有常刑

捕獸機檻當杜塞之穿穿地以陷獸
斂之無敢令傷所放牯宰之牛馬牛

馬之傷汝則有
殘人之畜常刑

馬牛其風臣妾逋逃無敢越逐

馬牛其
有奔佚

臣妾逋亡勿敢棄越壘伍而求
逐之役人賤者男曰臣女曰妾

祗復之我商賚汝

衆人
其有

得佚馬牛逃臣妾皆還敬復
之我則商度汝功賜與汝

乃越逐不復汝則有常刑

越逐為失伍不還為
攘盜汝則有此常刑

無敢寇攘踰垣墻

軍人無敢暴劫
人無越人墻物

有自來者
無敢取之

竊馬牛誘臣妾汝則有常刑

軍人盜竊馬牛
誘偷奴婢汝則

有犯軍令之常刑

甲戌我惟征徐戎

誓後甲戌之日我惟征之

峙乃糗糧無

敢不逮汝則有大刑

皆當儲峙汝糗糧之糧使足食無敢不相逮及汝則有乏軍興之死

刑

魯人三郊三遂峙乃楨幹甲戌我惟築

總諸國之兵而但稱魯人

峙具楨幹道近也題曰楨旁曰幹言三郊三遂明東郊距守不峙甲戌日當築攻敵聖距壇之屬

無敢

不供汝則有無餘刑非殺

峙具楨幹無敢不供不供汝則有無餘之刑刑者非一也

然亦非殺汝

魯人三郊三遂峙乃芻蕘無敢不多汝則有大

刑

郊遂多積芻蕘供軍牛馬不多汝則亦有乏軍興之大刑

作此費誓遂平徐戎定

魯

隱公元年五月鄭伯克段于鄆初鄭莊公弟京城太叔

京鄭邑今滎陽京
縣太叔即段也

繕甲兵具卒乘

步曰卒
車曰乘

將襲鄭公命

子封帥車二百乘以伐京

古者兵車一乘甲士
三人步卒七十二人

京叛太

叔段入于鄆公伐諸鄆太叔出奔共

共國今汲
郡共縣

八月紀人伐夷

夷國在城陽莊武縣
紀國在東莞劇縣

十月鄭共叔之亂公孫滑出奔衛

公孫滑共
叔段之子

衛人為之

伐鄭取廩延鄭人以王師虢師伐衛南鄙

虢西虢國也
弘農陝縣東

南南有
虢城

二年十二月鄭人伐衛討公孫滑之亂也

治元年取
廢延之亂

四年二月莒人伐杞取牟婁

杞國本陳留雍丘縣牟婁
杞邑城陽諸縣東北有婁

鄉

夏宋公陳侯蔡人衛人伐鄭初宋殤公之即位也公

子馮出奔鄭鄭人欲納之及衛州吁立將修先君之怨

於鄭

謂二年鄭人
伐衛之怨

而求寵於諸侯以和其民

謂篡立者
諸侯既與

之會則不復討
故欲求此寵

使告於宋曰君若伐鄭以除君害

害謂
宋公

子馮君為主敝邑以賦與陳蔡從則衛國之願也

言舉國
之賦調

宋人許之於是陳蔡方睦於衛

蔡今汝南
上蔡縣

故宋公陳侯

蔡人衛人伐鄭圍其東門五日而還

五年四月鄭人侵衛牧

牧衛邑

以報東門之役衛人以燕

師伐鄭

南燕國今東邵燕縣

鄭祭足原繁洩駕以三軍軍其前使

曼伯與子元潛軍軍其後燕人畏鄭三軍而不虞制人

北制鄭邑今

河南成皋縣

六月鄭二公子以制人敗燕師於北制

二公子曼伯子元

秋衛師入邲衛之亂也邲人侵衛故衛師入邲

邲國也東平剛

父縣西南

有邲鄉

九月邾人鄭人伐宋

邾主兵故序鄭上

宋人取邾田邾人告於

鄭曰請君釋憾於宋敝邑為道

釋四年再見伐之恨

鄭人以王師

會之伐宋入其郛以報東門之役

郛郛也

十二月宋人伐鄭圍長葛以報入郛之役

六年五月庚申鄭伯侵陳大獲

冬宋人取長葛

秋取冬乃告也前年冬圍不克而還今冬乘長葛無備而取之言易也

七年七月公伐邾為宋討也

公距宋而更與鄭平欲以爲援今鄭復與宋盟故懼

而伐邾欲以求宋故曰為宋討

九年冬北戎侵鄭鄭伯禦之患戎師曰彼徒我車懼其

侵軼我也

徒步兵也軼突也

公子突曰使勇而無剛者嘗寇而

速去之

公子突鄭厲公也嘗試也勇則能往無剛不恥退

君為三覆以待之

覆伏兵也

戎輕而不整貪而無親勝不相讓敗不相救先者見獲

必務進進而遇覆必速奔後者不救則無繼矣乃可以

逞

逞解也

從之戎人之前遇覆者奔祝聃逐之

祝聃鄭大夫

衷

戎師前後擊之盡殪

為三部伏兵祝聃帥勇而無剛者先犯戎而速奔以遇三伏兵至後

伏兵起戎還走祝聃反逐之戎前後

及中三處受敵故曰衷戎師殪死也

戎師大奔

後駐軍不復繼

也
十一月甲寅鄭人大敗戎師

十年夏鞏帥師會齊人鄭人伐宋

公子鞏不待公命而貪會二國之君疾其

專進故去氏齊鄭以公不至故亦更使微者從之伐宋不言及明鞏專行非鄭之謀也

六月壬戌公敗宋師于菅

齊鄭後期故公獨敗宋師書敗宋未陳也

辛未取郟辛

已取防

鄭後至得郟防二邑歸功於魯故書取明不用師徒也濟陰成武縣東南有郟城高平昌邑縣

西南有西防城

七月庚寅鄭師入郊猶在郊

鄭師還駐兵於遠郊

宋人衛人入鄭

宋衛奇兵乘虛入鄭

蔡人從之伐戴

從宋衛伐戴也

八月壬戌鄭伯圍戴

癸亥克之取三師焉

三國之軍在戴故鄭伯合圍之師者軍旅之通稱

宋衛既

入鄭而以伐戴召蔡人

伐戴乃召之

蔡人怒故不和而敗

言鄭

取之易也

九月戊寅鄭伯入宋

十月壬午齊人鄭人入郕討違王命也

十一年夏公會鄭伯于時來

時來邾也榮陽縣東有蒼城鄭地也

謀伐許

也鄭伯將伐許五月甲辰授兵於大宮

大宮鄭祖廟

七月公

會齊侯鄭伯伐許潁考叔取鄭伯之旗螿弧以先登子

都自下射之顛瑕叔盈又以螿弧登

瑕叔盈鄭大夫

周麾而呼

曰君登矣

周徧也
麾招也

鄭師畢登壬午遂入許許莊公奔衛

齊侯以許讓公公曰君謂許不共

不共
職貢

故從君討之許

既伏其罪矣雖君有命寡人弗敢與聞乃與鄭人鄭伯

使許大夫百里奉許叔以居許東偏

許叔許莊公之
弟東偏東鄙也

曰

天禍許國鬼神實不逞於許君而假手於我寡人

借手
於我

寡德之人
以討許

寡人唯是一二父兄不能共億

父兄同姓群
臣共給億安

其敢以許自為功乎寡人有弟不能和協而使餽其

口於四方

弟共叔段也餽幣
也出奔在元年

其况能久有許乎吾子其

奉許叔以撫柔此民也吾將使獲也佐吾子

獲鄭大夫公孫獲

若寡人得沒於地

以壽終

天其以禮悔禍於許

言天加禮于許而悔

禍之無寧茲許公復奉其社稷

無寧寧也茲此也

唯我鄭國之有

請謁焉如舊昏媾

謂告也婦之夫曰昏重婚曰媾

其能降以相從也

降

心也無滋他族實偏處此以與我鄭國爭此土也吾子孫

其覆亡之不暇而况能禮祀許乎

潔齊以享謂之禮祀謂許山川之祀

寡

人之使吾子處此不唯許國之為亦聊以固吾圉也

邊

也乃使公孫獲處許西偏曰凡而器用財賄無置於許

我死乃亟去之吾先君新邑於此

此今河南新鄭舊鄭在京兆

王室

而既卑矣周之子孫日失其序

鄭亦周之子孫

夫許大岳之裔

也

大岳神農之後堯四岳也裔繼也

天而既厭周德矣吾其能與許爭

乎

是年鄭息有違言

以言語相違恨

息侯伐鄭鄭伯與戰于竟息

師大敗而還

息國汝南新息縣

君子是以知息之將亡也不度

德

鄭莊賢

不量力

息國弱

不親親

鄭息同姓之國

不徵辭不察有罪

言語相恨當明徵其辭以當曲直不宜輕闕

犯五不韙而以伐人其喪師也

不亦宜乎

十月鄭伯以虢師伐宋壬戌大敗宋師以報其入鄭也

桓公二年秋七月杞侯來朝不敬公即位而來朝杞侯歸乃謀

伐之九月入杞討不敬也

三年春晉曲沃武公伐翼次于陘庭韓萬御戎梁弘為

右

武公曲沃莊伯子也韓萬莊伯弟也御戎僕也右戎車之右

逐翼侯於汾隰

汾隰汾水

邊 驂絰而止

驂馱馬

夜獲之及藥共叔

共叔桓叔之傅藥賓之子也身傅翼

侯父子各狗所奉之主故并見獲而死

六年春楚武王侵隨

隨國今義陽隨縣

使薳章求成焉

薳章楚大夫

軍於瑕以待之

瑕隨地

隨人使少師董成

少師隨大夫董正也

夏北戎伐齊齊侯使乞師於鄭鄭太子忽帥師救齊六

月大敗戎師獲其二帥大良少良甲首三百以獻於齊

甲首披甲者首

七年夏盟向求成于鄭既而背之

盟向二邑名隱公十一年王以與鄭故求

與鄭成秋鄭人齊人衛人伐盟向王遷盟向之民于邾

邾王

城

八年春滅翼

曲沃滅之

夏楚子合諸侯于沈鹿

沈鹿楚地

黃隨不會

黃國今弋陽縣

使遂章

讓黃

責其不會

楚子伐隨軍於漢淮之間季梁請下之弗許

而後戰

下之請服也

所以怒我而怠寇也少師謂隨侯曰必

速戰不然將失楚師隨侯禦之望楚師

遙見楚師

季梁曰楚

人上左君必左

君楚君也

無與王遇且攻其右右無良馬必

敗偏敗衆乃携矣少師曰不當王非敵也弗從

不從季梁謀

戰于速杞隨師敗績隨侯逸

速杞隨地逸逃也

鬪丹獲其戎車

與其戎右少師

闕丹楚大夫戎車君所乘兵車也戎右車右也寵之故以為右

秋隨及

楚平楚子將不許闕伯比曰天去其疾矣

去疾謂少師見獲而死

隨未可克也乃盟而還

九年春巴子使韓服告于楚請與鄧為好

韓服巴行人巴國在巴郡

江州縣

楚子使道朔將巴客以聘於鄧

道朔楚大夫巴客韓服

鄧南

鄙鄆人攻而奪之幣

鄆在今鄧縣南沔水之北

殺道朔及巴行人楚

子使遂章讓於鄧鄧人弗受

言非鄧人所攻

夏楚使闕廉帥師

及巴師圍鄆

闕廉楚大夫

鄧養甥聃甥帥師救鄆三逐巴師

不克

二甥皆鄧大夫

闞廉衡陳其師於巴師之中以戰而北

衡橫

也分巴師為二部闞廉衡陳於其間以與鄧師戰而偽北北走也

鄧師逐之背巴師而

夾攻之

楚師偽走鄧師逐之背巴師巴師攻之楚師自前還與戰

鄧師大敗鄆人宵

潰

秋虢仲芮伯梁伯荀侯賈伯伐曲沃

梁國在馮翊夏陽縣荀賈皆國名

十年十二月丙午齊侯衛侯鄭伯來戰于郎

攻侵伐而書來戰善

魯之用周班

初北戎病齊

在六年

諸侯救之鄭公子忽有功焉

齊人餽諸侯使魯次之魯以周班後鄭鄭人怒請師于

齊齊人以衛師助之

十一年春楚屈瑕將盟貳軫

貳軫二國名

鄖人軍於蒲騷將

與隨絞州蓼伐楚師

鄖國在江夏雲杜縣東南有鄖城蒲騷鄖邑絞國名州國在南郡華

容縣東南蓼國今義陽棘陽縣東南湖陽城

莫敖患之

莫敖楚官名即屈瑕

鬬廉曰鄖

人軍其郊必不誠且日虞四邑之至也

虞度也四邑隨絞州蓼也邑亦

國也君次于郊郢以禦四邑

君謂屈瑕也郊郢楚地

我以銳師宵加

於鄖鄖有虞心而恃其城

恃近其城

莫有鬬志若敗鄖師四

邑必離遂敗鄖師於蒲騷卒盟而還

卒盟貳軫

十二年冬公會宋公于龜宋地欲平宋鄭宋公辭平故與

鄭伯盟于武父

宋公貪鄭賂與公三會而卒辭不與鄭平

遂帥師而伐宋戰

焉宋無信也

是冬楚伐絞軍其南門莫敖屈瑕曰絞小而輕輕則寡

謀請無扞采樵者以誘之

扞衛也樵薪也

從之絞獲三十人

楚獲

人也明日絞人爭出驅楚役徒於山中楚人坐其北門而

覆諸山下

坐猶守也覆設伏兵而待之

大敗之為城下之盟而還

十三年春二月己巳及齊侯宋公衛侯燕人戰齊師宋

師衛師燕師敗績

或稱人或稱師史異辭也

是春楚屈瑕伐羅及鄆亂次以濟

鄆水在襄陽宜城縣入漢

及羅羅

與盧戎兩軍之

盧戎南蠻

大敗之莫敖益于荒谷

十四年冬宋人以齊人蔡人衛人陳人伐鄭

能左右報之曰以報

宋之戰也

在十年

焚渠門入及大逵

渠門鄭城門透道方九軌

伐東郊

取牛首

東郊鄭郊牛首鄭邑

以大宮之椽歸為盧門之椽

大宮鄭祖廟盧

門宋城門

十六年四月公會宋公衛侯陳侯蔡侯伐鄭

春既謀之今書會者

魯諱議納不正祭當在
衛上今序陳下蓋後至
夏伐鄭秋七月公至自伐鄭以
飲至之禮也

十七年五月丙午及齊師戰于奚

奚魯地皆陳曰戰

疆事也

爭疆

界也於是齊人侵魯疆疆吏來告公曰疆場之事慎守其

一而備其不虞

虞度也不度猶不意也

姑盡所備焉事至而戰又

何謁焉

齊背盟而來公以信待故不書侵伐

秋伐邾宋志也

邾宋爭疆魯從宋志背趙

之盟

莊公元年冬齊師遷紀邢郟郟

齊欲滅紀故徙其三邑之民而取其地邢在東

莞臨朐縣東南鄆在朱虛縣
東南北海都昌縣西有營城

二年夏公子慶父帥師伐於餘丘

於餘丘國名也

三年正月溺會齊師伐衛

溺魯大夫疾其專命而行故去氏

四年三月楚武王荆尸授師子焉以伐隨

尸陳也荆亦楚也更為楚

陳兵之法揚雄方言子者戟也然則楚於此始用戟為陳

王行卒於櫛木之下

櫛木木名

令尹鬬祁莫敖屈重除道梁澁營軍臨隨隨人懼行成

時秘王喪故為奇兵更開直道澁水名梁橋也

莫敖以王命入盟隨侯且請為

會於漢汭而還

汭內也謂漢西

濟漢而後發喪

五年冬公會齊人宋人陳人蔡人伐衛納惠公也

惠公朔也

桓公十六年出奔齊

八年正月師次于郎以俟陳人蔡人

期共伐邾陳蔡不至駐師于郎以待

之

甲午治兵

治兵于廟習號令將以圍邾

夏師及齊師圍邾邾降于

齊師

二國同討而齊獨納邾

秋師還

九年夏公伐齊納子糾齊小白入于齊

二公子各有黨子糾黨須伐乃

得入又出在小白之後小白稱入從國逆之文本無位

秋師及齊師戰於乾時我師

敗績公喪戎路傅乘而歸

戎路兵車傅乘乘他車

秦子梁子以公

旗辟于下道

二子公御及戎右也
以公旗誤齊師

是以皆止

止獲也

鮑叔帥

師來言曰子糾親也請君討之

鮑叔乘勝而進軍志在
生得管仲故託不忍之

辭

管召讐也請受而甘心焉

管仲射桓公故曰讐甘
心言欲快意戮殺之

乃

殺子糾於生竇

生竇
魯地

召忽死之

十年春齊師伐魯夏六月齊師宋師次于郎公子偃曰

宋師不整可敗也

公子偃
魯大夫

宋敗齊必還請擊之公弗許

自雩門竊出蒙皋比而先犯之

雩門魯城南
門皋比虎皮

公從之大

敗宋師于乘丘齊師乃還

九月荆敗蔡師于莘

荆楚本號後改
為楚莘蔡地

以蔡侯獻舞歸

獻舞

蔡季

十月齊師滅譚

譚國在濟南
平陵縣西南

齊侯之出過譚譚不禮焉

及其入也諸侯皆賀譚又不至遂滅譚譚子奔莒

十一年五月戊寅公敗宋師于鄆

鄆魯地

宋為乘丘之役

故侵我公禦之宋師未陳而薄之敗諸鄆

十三年春齊侯宋人陳人蔡人邾人會於北杏

北杏齊地

以

平宋亂

宋有執君之亂
齊桓欲修霸業

遂人不至夏齊人滅遂而戍之

戍守也

十四年春齊人陳人曹人伐宋

背北杏會

齊請師于周

齊欲崇天

子故請師假王命以示大順

夏單伯會之取成于宋而還

夏楚子以蔡侯滅息遂伐蔡七月楚入蔡

十五年秋宋人齊人邾人伐邾

邾附庸屬宋而叛故齊桓為之伐邾

鄭人

間之而侵宋

十六年夏宋人齊人衛人伐鄭宋故也

鄭侵宋也

鄭伯自櫟入緩告于楚秋楚伐鄭及櫟為不禮故也

十八年冬巴人伐楚初楚武王克權使鬬緡尹之

權國名南

郡當陽縣東南有權城鬬緡楚大夫

以叛圍而殺之

緡以權叛

遷權於那處

那處

楚地南郡編縣東南有那口城

使閻敖尹之

閻敖楚大夫

及文王即位與巴

人伐申而驚其師

驚巴師

巴人叛楚而伐那處取之遂門

于楚

攻楚城門

閻敖游涌而逸

涌水在南郡華容縣閻敖不能守城又游涌水而逸

楚

子殺之其族為亂巴人因之以伐楚楚子禦之大敗於

津

為巴人所敗津楚地

十九年冬齊人宋人陳人伐魯西鄙

幽之盟魯使微者會鄆之盟使媵臣

行所以受敵鄙邊邑

二十六年秋會宋人齊人伐徐

宋序齊上主兵虢人

侵晉冬虢人又侵晉

二十八年三月甲寅齊人伐衛衛人及齊人戰衛人敗績數之以王命取賂而還

秋楚令尹子元以車六百乘伐鄭入于桔秩之門

桔秩鄭遠

郊之門也

諸侯救鄭楚師夜遁鄭人將奔桐丘

許昌縣東北有桐丘城

謀告曰楚幕有烏乃止

謀間也幕帳也

二十九年夏鄭人侵許

閔公元年冬晉侯作二軍

晉本一軍

公將上軍太子申生將

下軍趙夙御戎畢萬為右

為公御右也夙趙衰兄畢萬魏犢祖父

以滅耿

滅霍滅魏

平陽皮氏縣東南有耿鄉永安縣東北有霍太山三國皆姬姓

僖公元年七月楚人伐鄭

荆始改號曰楚

鄭即齊故也九月公

敗邾師于偃虛丘之戎將歸者也

虛丘邾地邾人既送哀姜還齊人殺之因

戎虛丘欲以侵魯公以義求齊送姜氏之喪邾人懼乃歸故公要而敗之

十月壬午公子友帥師敗莒師于鄆獲莒棼

莒人來求還慶父之

賂棼莒

子之弟

二年春晉獻公使荀息以屈產之乘與垂棘之璧假道

於虞以伐虢曰冀為不道入自顛軫伐鄭三門

前是冀伐

虞至鄭鄭虞邑河東大陽縣東北有顛軫坂

冀之既病則亦唯君故

言虞報伐冀使

病將欲假道故稱虞疆以說其心冀國名平陽皮氏縣東北有冀亭

今虢為不道保於逆

旅

逆旅客舍也虢稍遣人分依客舍以聚眾抄晉邊邑

以侵敝邑之南鄙敢請假

道以請罪于虢

問虢伐已以何罪

虞公許之且請先伐虢

喜於厚賂

而欲求媚

宮之竒諫不聽遂起師夏晉里克荀息帥師會虞

師伐虢滅下陽

晉猶主兵不信虞

冬楚人伐鄭鬬章囚鄭聃伯

經書侵傳言伐本
以伐興權行侵掠

三年四月徐人取舒

徐國在下邳僮縣東南舒國今廢
江舒縣勝國而不用大師亦曰取

冬楚人伐鄭鄭伯欲成孔叔不可曰齊方勤我

孔叔鄭
大夫勤

恤鄭
難棄德不祥祥善
也

四年正月公會齊侯宋公陳侯衛侯鄭伯許男曹伯侵

蔡蔡潰

民逃其
上曰潰

遂伐楚次于陘楚子使與師言曰君處

北海寡人處南海唯是風馬牛不相及也

楚界猶未至
南海因齊處

北海遂稱所近牛馬風逸
蓋未界之微事故以取喻

不虞君之涉吾地也何故管

仲對曰昔召康公命我先君太公

召康公周太保召公與也

曰五侯

九伯女實征之以夾輔周室

五等諸侯九州之伯皆得征討其罪齊桓因此命以

楚賜我先君履東至于海西至于河南至于穆陵北至

于無棣

穆陵無棣皆齊境也履所踐履之界齊桓又因以自言其盛

爾貢包茅不入

王祭不共無以縮酒寡人是徵

包裹束也茅菁茅也束茅而灌之以酒為縮酒

尚書包匭菁茅茅之為異未審

昭王南征而不復寡人是問

昭王成王之孫南巡

狩涉漢船壞而溺周人諱而不赴諸侯不知其故故問之

對曰貢之不入寡君之罪

也敢不供給昭王之不復君其問諸水濱

昭王時漢非楚境故不受

罪師進次于陘

楚不服罪故進師

夏楚子使屈完如師

如陘之師觀強

弱

師退次於召陵

完請盟故

屈完及諸侯盟陳轅濤塗謂鄭

申侯曰師出於陳鄭之間國必甚病

申侯鄭大夫當有共給之費故

若

出於東方觀兵於東夷循海而歸其可也

東夷鄭莒徐夷也觀兵示

威

申侯曰善濤塗以告齊侯許之

許出東方

申侯見曰師老

矣若出於東方而遇敵懼不可用也若出于陳鄭之間

共其資糧屝屨其可也

屝草屨

齊侯說與之虎牢

還以鄭邑賜之

執轅濤塗秋伐陳討不忠也

以濤塗為誤軍道

冬叔孫戴伯帥

師會諸侯之師侵陳陳成歸轅濤塗

九年十一月齊侯以諸侯之師伐晋及高梁而還討晋

亂也

高梁晋地在平陽縣西南

十一年冬楚人伐黃

黃恃齊故

十二年夏楚人滅黃黃人恃諸侯之睦於齊也不共楚

職曰自郢及我九百里焉能害我

十五年春楚人伐徐徐即諸夏故也三月孟穆伯帥師及諸侯之師救徐徐諸侯次于匡以待之秋伐厲以救徐

也

冬宋人伐曹討舊怨也

莊十四年曹與諸侯伐宋

楚敗徐於婁林徐

恃救也

十一月壬戌晉侯及秦伯戰于韓

韓晉地

獲晉侯初晉侯

許賂中大夫

中大夫國內執政里平等

既而皆背之賂秦伯以河外

列城五東盡虢畧南及華山內及解梁城既而不與

河外

河南也東盡虢畧從河南而東盡虢界也解梁城今河東解縣也

晉饑秦輸之粟

在十年

秦饑晉閉之糴故秦伯伐晉戰于韓原晉戎馬還寧而

止淳泥也還便旋也小秦獲晉侯以歸

秦伯伐晉晉侯三敗慶鄭諫弗聽及戰于韓原公號慶

鄭慶鄭曰慢諫違卜固敗是求又何逃焉遂去之秦獲

晉侯以歸及晉侯歸臣欽若等曰晉惠公即位六年為秦所虜復立之殺慶鄭

而後入

十六年夏齊伐厲不克救徐而還十五年齊伐厲救徐

十七年春齊人為徐伐英氏以報婁林之役也英氏楚與國婁

林役在十五年夏師滅項師魯師項國今汝陰項縣淮之會公有諸侯之事

未歸而取項

淮會在前年冬諸侯之事會同講禮之事

齊人以為討而止公

內諱執皆言止

十月齊桓公卒立公子無虧孝公奔宋故伐齊以納孝

公

十八年正月宋襄公以曹伯衛人邾人伐齊

三月齊人殺無虧

以說宋

齊人將立孝公不勝四公子之

徒

無虧已死故曰四公子

遂與宋人戰五月戊寅宋師及齊師戰

于廐

廐齊地

齊師敗績立孝公而還冬邢人狄人伐衛

狄稱

人者史異辭

圍菟圃衛侯以國讓父兄子弟及朝衆曰苟能

治之燬請從焉

燬衛文公名

衆不可

不聽衛侯讓

而後師于訾婁

衛邑狄師還

獨言狄還則邢留距衛言邢所以終為衛所滅

十九年秋衛人伐邢以報菟圃之役

邢不速退所以獨見伐

於是

衛大旱卜有事於山川不吉

有事祭也

甯莊子曰昔周饑克

殷而年豐今邢方無道諸侯無伯

伯長也

天其或者欲使

衛討邢乎從之師興而雨

秋宋人圍曹討不服也

曹南盟不修地主禮故

二十年春滑人叛鄭而服於衛夏鄭公子士洩堵寇帥

師入滑

公子士鄭文公子洩堵寇鄭大夫

鄭之入滑也滑人聽命師還

又即衛鄭公子士洩堵俞彌帥師伐滑

堵俞彌鄭大夫伐滑在二十四

年

冬楚人伐隨初隨以漢東諸侯叛楚冬楚鬪穀於菟帥師伐隨取成而還君子曰隨之見伐不量力也量力而動其過鮮矣善敗繇已而繇人乎哉

二十一年秋宋公楚子陳侯蔡侯鄭伯許男曹伯會于

孟

孟地

子魚曰禍其在此乎君欲已甚其何以堪之於

是楚執宋公以伐宋

冬邾人滅須句須句子來奔公伐邾

為邾滅須句故

二十二年春公伐邾取須句反其君焉禮也

得恤寡小之禮

夏宋公衛侯許男滕子伐鄭子魚曰所謂禍在此矣

八月丁未公及邾戰于升陘我師敗績邾人獲公胄懸

諸魚門

魚門邾城門

是月楚人伐宋以救鄭大司馬固諫曰

大司馬固莊公之孫公孫固也

天之棄商久矣君將興之弗可赦也已弗聽十一月已

巳朔宋公及楚人戰于泓宋人既成列楚人未既濟司

馬曰子魚也彼衆我寡及其未既濟也請擊之公曰不可

既濟而未成列又以告公曰未可既陳而後擊之宋師

敗績公傷股門官殲焉門官守門者師行則在君左右

二十三年春齊侯伐宋圍緡緡宋邑高平昌邑縣東南有東緡城以討其

不與盟十九年盟于齊而宋獨不會復召齊盟于鹿上故今討之

秋楚成得臣帥師伐陳討其貳於宋也成得臣子玉也遂取焦

夷城頓而還

焦今譙縣也夷一名城父今譙郡城父縣頓國今汝陰南頓也

二十五年正月丙午衛侯燬滅邢邢同姓也故名

秋晉秦伐都

都本在商密秦楚界上小國其後遷于南郡都縣

楚鬬克屈禦寇

以申息之師戍商密

鬬克申公子儀屈禦寇息公子邊商密都別邑今南鄉丹水縣戍守

也二子屯兵于祈為商密援

秦人過祈隈入而係輿人以圍商密昏

而傅焉

祈楚邑一名白羽今南鄉祈縣隈隱蔽處係縛輿人詐為克祈得其囚俘者昏而傅城不欲令

商密知囚非祈人

宵坎血加書偽與子儀子邊盟者

掘地為坎以埋盟之

餘血加盟書其上

商密人懼曰秦取祈矣戍人反矣乃降秦師

秦囚申公子儀息公子邊以歸

商密既降析戎亦敗故得囚二子

楚令

尹子玉追秦師弗及

不復言晉者秦為兵主

遂圍陳納頓子于頓

為頓
圍陳

二十六年春齊師侵魯西鄙公追齊師至鄆弗及

濟北
穀城

縣西有地
名鄆下

夏齊孝公伐魯北鄙公使展喜犒師

勞齊師

使受命于展

禽

柳下
惠

齊侯未入竟展喜從之

衛人伐齊洮之盟故也

洮盟在
前年

秋楚人滅夔

夔楚同姓國今建平秭歸縣

夔子不祀祝融與鬻熊

楚之

遠祖也夔楚之別封

楚人讓之對曰我先王熊摯有疾鬼神弗赦

而自竄于夔吾是以失楚又何祀焉

廢其嘗祀而飾解文過

楚成

得臣鬬宜申帥師滅夔以夔子歸

成得臣令尹子玉也鬬宜申司馬子西也

冬楚令尹子玉司馬子西帥師伐宋圍緡初東門襄仲

臧文仲如楚乞師臧孫見子玉道之伐齊宋以其不臣

也

言其不臣事周室可
以此罪責而伐之也

公以楚師伐齊取穀

師能左右之曰以

寘桓公子雍於穀易牙

奉之以為魯援

雍本與孝公爭立故使居穀以偏齊

二十七年春杞桓公來朝用夷禮公卑杞杞不共也八

月乙巳公子遂帥師入杞責無禮也

責不共也

冬楚人陳侯蔡侯鄭伯許男圍宋公孫固如晉告急

二十八年春晉侯將伐曹假道于衛

曹在衛東故

衛人弗許

還自南河濟

從汲郡南渡出衛南而東

侵曹伐衛正月戊申取五鹿

五鹿衛地

晉侯圍曹門焉多死

攻曹城門

曹人尸諸城上

磔晉死人于城

上晉侯患之聽輿人之謀曰稱舍於墓

輿衆也舍墓為將發塚

師

遷焉曹人兇懼

遠至曹人墓兇兇恐懼聲

為其所得者棺而出之因

其兇也而攻之三月丙午入曹數之以其不用僖負羈

而乘軒者三百人也四月戊辰晉侯宋公齊國歸父崔

天秦小子慙次于城濮

國歸父崔天齊大夫也小子慙秦穆公子也城濮衛地

楚

師背鄴而舍

鄴丘陵險阻名

晉侯患之聽輿人之誦

恐眾畏險故聽其歌

誦曰原田每每舍其舊而新是謀

高平曰原喻晉君美或若原田之草每每

然可以謀立新功不足念舊惠

公疑焉

疑眾謂已背舊謀新

子犯曰戰也戰而捷

必得諸侯若其不捷表裏山河必無害也

晉國外河而內山

公

曰若楚惠何樂貞子曰漢陽諸姬楚實盡之

貞子樂枝也水北曰

陽姬姓之國在漢北者楚盡滅之

思小惠而忘大恥不如戰也楚子玉

使鬬勃請戰

鬬勃楚大夫

曰請與君之士戲君馮軾而觀之

得臣與寓目焉

寓寄也

晉侯使欒枝對曰寡君聞命矣楚

君之惠未之敢忘是以此為大夫退其敢當君乎既

不獲命矣

不獲止命

敢煩大夫謂二三子

煩鬬勃令戒勃子玉子西之屬也

戒爾車乘敬爾君事詰朝將見

詰朝平旦

晉車七百乘韃鞞

鞞鞞

五萬二千五百人在背曰韃在脅曰鞞在腹曰鞞在後曰鞞言駕車修備也

晉侯登有

莘之虛以觀師曰少長有禮其可用也

有莘故國名少長猶言大小

遂伐其木以益其兵

伐木以益攻戰之具與曳柴亦是也

巳巳晉師陳于

莘北胥臣以下軍之佐當陳蔡子玉以若敖之六卒將

中軍曰今日必無晉矣子西將左子上將右

子西鬪宜申子上鬪

勃胥臣蒙馬以虎皮先犯陳蔡陳蔡奔楚右師潰

陳蔡屬楚

右師狐毛設二旆而退之

旆大旗也又建二旆而退使若大將稍却

欒枝使輿

曳柴而偽遁

曳柴起塵詐為衆走

楚師馳之原軫郤溱以中軍公

族橫擊之

公族公所率之軍

狐毛狐偃以上軍夾攻子西楚左

師潰楚師敗績子玉收其卒而止故不敗

三軍惟中軍完

晉師

三日館穀

晉侯伐曹令無入僖負羈之宮而免其族報施也

報殮壁之

施臣欽若等曰晉文公亡魏犇顛頡怒曰勞之不圖報過曹僖負羈餽食寘壁焉魏犇顛頡怒曰勞之不圖報

於何有

二子各有從亡之勞

魏犇負羈氏

魏犇也

魏犇傷於曾公欲

殺之而愛其材材力使問且視之病將殺之魏犇求曾見

使者曰以君之靈不有寧也

言不以病故自安寧

距躍三百曲踊

三百

距躍起越也曲踊跳踊也百猶勵也

乃舍之殺顛頡以徇于師夏與

楚戰于城濮晉中軍風于澤

牛馬因風而走皆失之

亡大旆之左

旃

大旆旗名繫旄曰旆通帛曰旃

祁瞞奸命

掌此二事而不修為奸軍令

司馬殺之

以徇于諸侯使茅筏代之師還濟河舟之僑先歸士會

攝右

權代舟之僑也士會隨武士士為之孫

秋七月振旅愷以入於晉殺

舟之僑以徇于國民於是大服君子謂文公其能刑矣

三罪而民服

三罪顛頤祁瞞舟之僑

詩云惠此中國以綏四方不

失賞刑之謂也

是年夏楚令尹子玉與晉戰敗于城濮遂自殺

冬諸侯圍許

會溫諸侯也許比再會不至故因會共伐之

三十年春晉人侵鄭以觀其可攻與否

九月甲午晉侯秦伯圍鄭以其無禮于晉

文公亡過鄭不禮之

且

貳於楚也

三十二年夏狄有亂衛人侵狄

報前年狄圍衛

狄請平焉

三十三年二月秦人入滑夏四月晉人及姜戎敗秦師

于殺

姜戎姜姓之戎

初晉文公卒

三十一年冬

杞子自鄭使告于秦

三十年秦使戍鄭

曰鄭人使我掌其北門之管若潛師以來國

可得也穆公召孟明西乞白乙使出師於東門之外蹇

叔哭之曰孟子吾見師之出而不見其入也秦師遂東

晉原軫曰秦違蹇叔而以貪勤民天奉我也奉與也奉不

可失敵不可縱縱敵患生違天不祥必伐秦師樂枝曰

未報秦施而伐其師其為死君乎言以君死故忘秦施先軫曰秦

不哀吾喪而伐吾同姓秦則無禮何施之為言秦以無禮加已施

不足顧吾聞之一日縱敵數世之患也謀及子孫可謂死

君乎言不可謂背君遂發命遽興姜戎子墨衰經晉文公未葬故襄公稱子

以凶服從
戎故墨之

梁弘御戎萊駒為右四月辛巳敗秦師於殽

獲百里孟明視西乞術白乙丙以歸

是月公伐邾取訾婁以報升陘之役

在二十
二年

邾人不設

備秋襄仲復伐邾

魯因晉喪
以陵小國

十二月晉人陳人鄭人伐許討其貳於楚也楚令尹子

上侵陳蔡陳蔡成遂伐鄭晉陽處父侵蔡楚子上救之

與晉師夾泚而軍

泚水出魯陽縣東
經襄城定陵入汝

陽子患之使謂子

上曰吾聞之文不犯順武不違敵子若欲戰則吾退舍

子濟而陳

欲避楚使渡陳而後戰

遲速唯命不然紓我

不獲止命紓緩也

老師費財亦無益也

師久為老

乃駕以待子上欲涉大孫伯

曰不可晉人無信半涉而薄我悔敗何及不如紓之乃

退舍

楚退欲使晉渡

陽子宣言曰楚師遁矣遂歸楚師亦歸

文公元年四月晉侯伐衛初晉文公之季年諸侯朝晉

衛成公不朝使孔達侵鄭

孔達衛大夫

伐緜訾及匡

匡地名今在潁

州新汲縣東北

晉襄公既祥

諸侯雖諒闇亦因祥祭為位而哭

使告於諸侯而

伐衛及南陽

今河內地

先且居曰效尤禍也

尤衛不朝故伐今不朝王是效

衛致禍王在
溫故勸之

請君朝王臣從師晉侯朝王於溫先且居

胥臣伐衛五月辛酉朔晉師圍戚六月戊戌取之獲孫

昭子

昭子衛大夫食戚邑

衛人使告於陳陳共公曰更伐之我辭

之

見伐求和不競大甚使
報伐示已力足以距晉

衛孔達帥師伐晉君子以為

古古者越國而謀

合古之道而失今事霸王之
禮故國失其邑身見執辱

二年春秦孟明視帥師以伐晉以報殺之役二月晉侯

禦之先且居將中軍趙衰佐之

代邵
漆

王官無地御戎

代
梁

弘狐鞫居為右

鞫居續
簡伯

甲子及秦師戰于彭衙秦師敗

績晉人謂秦拜賜之師

以孟明言三年將拜君賜故

冬晉先且居宋

公子成陳轅選鄭公子歸生伐秦取汪及彭衙而還以報彭衙之役

三年正月叔孫得臣會晉人宋人陳人衛人鄭人伐沈

沈國名汝南平與縣北有沈亭以其服於楚也沈潰

夏秦伯伐晉濟河焚舟

示必死也

取王官及郊

王官郊晉地

晉人

不出遂自茅津濟封穀尸而還

茅津在河東大陽縣封埋藏之

遂霸西

戎用孟明也秋楚師圍江晉先僕伐楚以救江冬晉以

江故告于周

欲假天子之威以伐楚

王叔桓公晉陽處父伐楚以

救江

桓公周卿士王叔文公子

門于方城遇息公子朱而還

子朱楚大夫伐

江之帥也聞晉師起而江兵解故晉亦還

四年秋晉侯伐秦圍祁新城以報王官之役

祁新城秦邑也王官

役在前年楚人滅江

五年夏秦人入郟郟叛楚即秦又貳於楚也秋楚人滅

六

六國今廬江六縣

六人叛楚即東夷楚成大心仲歸帥師滅

六

仲歸子來

冬楚公子燮滅蓼

蓼國今安豐縣

七年春公伐邾間晉難也

公因霸國有難而侵小國

三月甲戌取須

句寘文公子焉非禮也

邾文公子叛在魯故公使為守須句大夫也絕大皞之祀以與

鄰國叛臣故曰非禮冬徐伐莒

八年夏秦人伐晉取武城以報令狐之役

令狐役在七年

秋晉人以扈之盟來討

前年盟扈公後至

九年春楚人伐鄭

楚子師於狼淵不親伐

初楚范山言於楚子曰

晉君少不在諸侯北方可圖也

范山楚大夫

楚子師于狼淵

以伐鄭

陳師狼淵為伐鄭授也
潁川潁陰縣西有狼陂

囚公子堅公子尨及樂

耳

三子鄭大夫

鄭及楚平夏侵陳克壺丘

壺丘陳邑

以其服晉也

秋楚公子朱自東夷伐陳

子朱息也

陳人敗之獲公子莜

陳懼及楚平

以小勝大故懼而請平

十年春晉人伐秦取少梁

少梁馮翊夏陽縣

夏秦伯伐晉取北徵

報少梁

十一年春楚子伐麋

討前年逃厥貉會

成大心敗麋師于防渚

成大心子玉之子大孫伯也防渚麋地

潘崇復伐麋至錫穴

錫穴麋地

十二年春羣舒叛楚

羣舒偃姓舒庸舒鳩之屬今廬江南有舒城西南有龍舒

夏子

孔執舒子平及宗子遂圍巢

子孔楚令尹若敖曾孫平舒君名宗巢二國羣舒之

屬

冬十二月戊午秦人晉人戰于河曲秦為令狐之役故

伐晉取羈馬

令狐役在七年羈馬晉邑

晉人禦之趙盾將中軍荀林

父佐之

林父代先克

卻缺將上軍

代箕鄭

史駢佐之

代林父

欒盾

將下軍

欒枝子代先蔑

胥甲佐之

胥臣子代先都

范無恤御戎

代步招

以

從秦師於河曲史駢曰秦不能久請深壘固軍以待之

從之秦人欲戰秦伯謂士會曰若何而戰晉士會七年奔秦對

曰趙氏新出其屬曰史駢必實為此謀將以老我師也

史駢趙盾屬大夫新出佐上軍趙有側室曰穿晉君之壻也側室支子穿趙夙庶

孫有寵而弱不在軍事弱年少也未嘗涉知軍事好勇而狂且惡史

駢之佐上軍也若使輕者肆焉其可肆暫往而退也秦伯以壁

祈戰於河祈求勝也

十二月戊午秦軍掩晉上軍趙穿追之不及上軍不動趙穿獨追

之反怒曰裒糧坐甲固敵是求敵至不擊將何俟焉軍

吏曰將有待也

待可擊

穿曰我不知謀將獨出乃以其屬

出宣子曰秦獲穿也獲一卿矣

傷三十三年晉侯以一命命卻缺為卿不在軍

師之數然則晉自有散位從卿者

秦以勝歸我何以報乃皆出戰交綏

司馬法曰逐奔不遠從綏不及逐奔不遠則難誘從綏不及則難陷然則古名退軍為綏秦晉志未能堅戰短

兵未至爭而兩退故曰交綏

秦行人夜戒晉師曰兩君之士皆未愁

也明日請相見也

愁缺也

史駢曰使者目動而言肆懼我

也

目動心不安言肆聲放失常節

將遁矣薄諸河必敗之

薄迫也

胥甲趙

穿當軍門呼曰死傷未收而棄之不惠也不待期而薄

人於險無勇也乃止

晉師止為宣元
年放晉甲傳

秦師夜遁復侵晉

入瑕

十四年春伐邾邾文公之卒也

在前年

公使弔焉不敬邾

人來討伐我南鄙故惠伯伐邾

十五年夏晉伐蔡初新城之盟

在前年

蔡人不與不會盟晉

郤缺以上軍下軍伐蔡

兼帥二軍

曰君弱不可以怠

怠懈也

戊

申入蔡以城下之盟而還

秋齊侯侵魯西鄙謂諸侯不能也

不能討已

遂伐曹入其郛

討其來朝也

此年夏朝

十六年秋楚人秦人巴人滅庸

庸今上庸縣屬楚之小國率羣蠻叛楚也自

廬以往振廩同食

往往伐庸也振發也廩倉也同食上下無異饌

次于句澁

楚西

也使廬戢黎侵庸

戰黎廬大夫

及庸方城

方城庸地上庸縣東有方城亭庸

人逐之因子揚窓

窓戰黎官屬

三宿而逸曰庸師衆羣蠻聚

焉不如復大師

還復句澁師

且起王卒合而後進師叔曰不

可

師叔楚大夫潘尪也

姑又與之遇以驕之彼驕我怒而後可克

先君蚡冒所以服陞隰也

蚡冒楚武王父陞隰地名

又與之遇七遇

皆北

軍走曰北

唯裨儵魚人實逐之

裨儵魚庸三邑魚魚復縣東今巴東永安縣輕

楚故使三邑人逐之

庸人曰楚不足與戰矣遂不設備楚子乘驛

會師于臨品

驛傳車也臨品地名

分為二隊

隊部也兩道攻之

子越自石

溪子貝自伋以伐庸

子越闕椒也石溪切入庸道

秦人巴人從楚師

羣蠻從楚子盟

蠻見楚強故

遂滅庸

十七年春晉荀林父衛孔達陳公孫寧鄭石楚伐宋討

曰何故弑君猶立文公而還宋人弑昭公

十六年冬

趙宣子

請師於靈公以伐宋公曰非晉國之急也對曰大者天

地其次君臣所以為明訓也今宋人弑其君是反天地而逆民則也天必誅焉晉為盟主而不脩天罰將懼及焉公許之乃發令於太廟召軍吏而戒樂正令三軍之鐘鼓必備趙同曰國有大役不鎮撫民而備鐘鼓何也宣子曰大罪伐之小罪憚之襲侵之事凌也是故伐備

鐘鼓聲其罪也戰以錡于丁寧倣其民也

錡于形如確頭與鼓相和

丁寧謂鉦也倣戒也唐尚書云錡于錡非也錡與錡于各異物

襲侵密聲為暫事也

暫

其無備今宋人弑其君罪莫大焉明聲之猶恐其不聞也

吾備鐘鼓為君故也乃使旁告於諸侯治兵振旅鳴鐘鼓以至於宋

夏齊侯伐魯北鄙襄仲請盟

晉不能救魯故請服

宣公元年秋楚子鄭人侵陳遂侵宋晉趙盾帥師救陳宋會于榘林以伐鄭楚為賈救鄭過於北林

與晉師相遇滎陽中

牟縣西南有林亭在鄭北因晉解揚晉人乃還

冬晉趙穿帥師侵崇初晉欲求成於秦趙穿曰我侵崇秦急崇必救之

崇秦之與國

吾以求成焉既而趙穿侵崇秦

弗與成

晉人伐鄭以報北林之役

報因解揚

二年春鄭公子歸生受命于楚伐宋

受楚命也

宋華元樂呂

御之二月壬子戰于大棘宋師敗績囚華元獲樂呂

樂呂

司寇獲不書非元帥也獲生死通名經言獲華元故傳特護之曰囚以明其生獲故得見贖而還

及甲

車四百六十乘俘二百五十人狂狡輅鄭人入

于井

狂狡宋大夫輅迎也

倒戟而出之獲狂狡秦師伐晉以報崇

也

伐崇在元年

遂圍焦

焦晉河外邑

夏晉趙盾救焦遂自陰地及諸侯之師侵鄭

陰地晉河南山北自

上雒以東至陸渾

以報大棘之役楚鬪椒救鄭曰能欲諸侯而

惡其難乎遂次于鄭以待晉師趙盾曰彼宗競于楚殆

將斃矣

競強也鬪椒若敖之族自子文以來世為令尹

姑益其疾乃去之

欲示弱以

驕之傳言趙盾所以稱人且為四年楚滅若敖氏張本

三年夏楚人侵鄭鄭即晉故也

秋宋師圍曹初宋文公即位三年殺母弟須及昭公子

武氏之謀也

武氏謀奉弟須及昭公子以作亂事在文十八年

使戴桓之族攻

武氏於司馬子伯之館盡逐武穆之族武穆之族以曹師伐宋宗師圍曹報武氏之亂也

四年正月公及齊侯平莒及邾莒人不肯公伐莒取向

莒邾二國相怨故公與齊侯共平之向莒邑非禮也平國以禮不以亂伐而

不治亂也責公不先以禮治之而用伐以亂平亂何治之有無治何

以行禮

冬楚子伐鄭鄭未服也前年楚使鄭不獲成故曰未服

五年冬楚子伐鄭陳及楚平晉荀林父救鄭伐陳

六年春晉衛侵陳陳即楚故也

冬楚人伐鄭取成而還

七年夏公會齊侯伐萊不與謀也

凡師出與謀曰及不與謀曰會

八年夏晉師白狄伐秦

楚人滅舒蓼楚為衆舒叛故伐舒蓼滅之

舒蓼二國名

楚子

疆之

正其界也

及滑汭

滑水名

盟吳越而還

冬楚人伐陳陳及晉平楚師伐陳取成而還

言晉楚爭強

九年夏齊侯伐萊

九月晉侯宋公衛侯鄭伯曹伯會于扈討不睦也

陳謀齊

陳侯不會

前年與楚成故

晉荀林父以諸侯之師伐陳

不書諸侯師林

父帥之無將帥

晉侯卒于扈乃還

冬宋人圍滕因其喪也

楚子伐鄭

六年楚伐鄭取成於厲既成鄭伯逃歸事見十一年

晉卻缺救鄭鄭伯

敗楚師于柳棼

柳棼鄭地

十年六月宋師伐滕滕人恃晉而不事宋也是月晉人

宋人衛人曹人伐鄭

鄭及楚平故

取成而還

秋公孫歸父帥師伐邾取繹

繹邾邑

冬楚子伐鄭晉士會救鄭逐楚師於潁北

潁水出河南陽城至下蔡

淮諸侯之師戍鄭

十一年春楚子伐鄭及櫟子良曰晉楚不務德而兵爭與其來者可也晉楚無信我焉得有信乃從楚

夏公孫歸父會齊人伐莒

楚左尹子重侵宋

子重公子嬰齊莊王弟

王待諸邲

邲楚地

冬楚子為陳夏氏亂故伐陳

十年夏徵舒弑君

遂入陳殺夏徵

舒輓諸栗門

輓車裂也栗門陳城門

因縣陳

滅陳以爲楚縣

申叔時曰諸

侯之從也曰討有罪也今縣陳貪其富也以討召諸侯

而以貪歸之無乃不可乎乃復封陳鄉取一人焉以歸

謂之夏州

州鄉屬示討夏氏所獲也

十二年春楚子圍鄭

前年盟辰陵而徵事晉故

旬有七日鄭人卜

行成不吉卜臨於大宮

臨哭也大宮鄭祖廟

且巷出車吉

出車於巷示將

見遷不

得安居 國人大臨守陴者皆哭

陴城上僻倪皆哭所以告楚窮也

楚子

退師鄭人脩城進復圍之三月克之

哀其窮哭故為退師而猶不服故圍

之入自皇門至於達路塗方九軌曰達鄭伯肉袒牽羊以逆肉袒

牽羊示服為臣僕楚子退三十里而許之平退一舍以禮之

夏六月乙卯晉荀林父帥師及楚子戰于邲邲鄭地林父

將中軍代邵缺先穀佐之森季代林父士會將上軍邵克佐之

邵缺之子趙朔將下軍代藥藥書佐之藥盾之子趙括

趙嬰齊為中軍大夫括嬰齊皆趙盾異母弟鞏朔韓穿為上軍大

夫荀首趙同為下軍大夫荀首林父弟韓厥為司馬韓萬

女孫晉楚戰于邲晉師敗績及昏楚師軍于邲晉之餘師

不能軍

不能成營屯

宵濟亦終夜有聲

言其兵衆將不能用

丙辰楚重

至于邲

重輜重也

遂次於衡雍祀於河作先君宮告成事而

還

冬楚子滅蕭

蕭宋附庸國

初宋華椒以蔡人救蕭蕭人囚熊

相宜僚及公子丙王曰勿殺吾退蕭人殺之王怒遂圍

蕭蕭潰申公巫臣曰師人多寒王巡三軍拊而勉之

拊撫

慰勉之

三軍之士皆如挾纊

纊綿也言說以忘寒

遂傳於蕭滅之

宋師伐陳

背清丘之盟

衛人救之孔達曰先君有約言焉若

大國討我則死之

衛成公與陳共公有舊好故孔達欲背盟救陳而以死謝晉

十三年春齊師伐莒莒恃晉而不事齊故也

夏楚子伐宋以其救蕭也

救蕭在前年

十四年夏晉侯伐鄭為邲故也

晉敗於邲鄭遂屬楚

告於諸侯

焉而還

蒐簡閱車馬

中行桓子之謀也曰示之以整使謀而

來鄭人懼使子張代子良于楚

十二年子良為質于楚

秋九月楚子圍宋初楚子使申舟聘于齊曰無假道于

宋

申舟母畏

亦使公子馮聘于晉不假道於鄭申舟以孟諸

之役惡宋

文十年楚子田孟諸毋畏執宋公僕

曰鄭昭宋聾

昭明聾聞

晉使不

害我則必死王曰殺女我伐之見犀而行

犀申舟之子

及宋

宋人止之華元曰過我而不假道鄙我也鄙我亡也

我以

比其邊鄙是與亡國同

殺其使者必伐我伐我亦亡也亡一也乃殺

之楚子聞之投袂而起

投振也袂袖也

屨及於室皇

室皇寢門闕

劔

及於寢門之外車及於蒲胥之市

十五年夏五月楚師將去宋

在宋積九月不能服宋故

申犀稽首於

王之馬前曰毋畏知死而不敢廢王命王棄言焉王不

能答

未服宋而去
故曰棄言

申叔時僕

僕御也

曰築室反耕者宋必

聽命從之

築室於宋分兵
歸田亦無去志

宋人懼使華元夜入楚師登

子反之牀起之曰寡人使元以病告曰城下之盟有以

國斃不能從也

寧以國斃不
從城下盟

去我三十里惟命是聽子

反懼與之盟而告王退三十里宋及楚平

六月秦人伐晉

七月秦桓公伐晉次於輔氏

晉地

壬午晉侯治兵于稷以

畧狄土立黎侯而還

狄奪其地故
晉復立之

及雒魏顆敗秦師于

輔氏

晉侯還及雒也雒晉地

獲杜回秦之力人也

十八年春晉侯衛太子臧伐齊至於陽穀齊侯會晉侯

盟于繒以公子強質于晉晉師還

夏公使如楚乞師欲以伐齊

公不事齊齊與晉盟故懼而乞師于楚

楚莊

王卒楚師不出既而用晉師

成二年戰于鞏是

冊府元龜卷二百四十八